

Թագիր փախիր, մեծն է սա իմ բողոր որսերէն,  
Թուրդ վրի կոյսն եմ իսկէ քաջ Ալաններէն:

Բանաստեղծութիւն Սահակի Գեղարեան, 1891 թ. Թեթի 8:

Բանաստեղծութեան գերազանցութիւնը կայանում է ոչ նրանում, որ նոյնահանգ է կամ թէ բառերի շարամանութիւնը կատարեալ է, այլ նրանում՝ երբ բանաստեղծը կարողանում է իւր ձեռնամուխ եղած առարկայն կարագրել իսկութեամբ, ինչպէս է կամ էր էն ժամանակումը, ինչպէս ստեղծել է թնութիւնն, որ շատ բարձր է քան զամենայն մարդկա-

յին կարողութիւնն. ընդհակառակը էն կորցնում է իւր յարգանքն:

Եթէ «Փունջի», պարոն հեղինակն արդարացնում է հեղինակի կոչումն, ի հարկէ չի վշտանալ էս իմ հարեանցի նրկատողութիւններէն, և կաշխատէ ջրել իմ կարծիքները հաստատուն փաստերով:

ԳԱՆՈՒՑ ՇԻՄԱԶԱՆԵԱՆ.

Ի Թուրէշ:

### ԱԶԳԱՅԻՆ

Վ.Ե.Ը. ՀԱՅՐԱՎԵՏ.

Յառաջակայ Սեպտեմբեր ամսոյ սկիզբներում Վ.Ե.Ը. Հայրապետ ի Բիւրականէ պիտի վերադառնայ այսր ի Մայր Ա. Աթոռս:

ԳԱՎՐԻԺՈՅ ՀԱՅՈՑ

ԱԶԳԱՅԻՆ ՈՒՍՈՒՄՆԱՐԱՆԻ ՎԵՐԱՑ.

Գեր. Անդրէաս Արքեպիսկոպոս՝ քաջ զգալով իւր պարտաւորութեանց և հոգոց մէջ՝ նախամեծարը, և ստանձնած վիճակին մերազնեայ մանկուոյն դաստիարակութեան և կրթութեան ամենակարեւոր պէտքը և նշանակութիւնը, ինչպէս որ ի Վ.Ե.Ը. Հայրապետէ հրամանն և հրահանգ ընդունած էր, ի Գավրէժ հասանելէն մի քանի օր զկնի՝ իւր ուշադրութիւնը նուիրած է վիճակին կեղ-

րոնն եղած քաղաքին Հայոց Ազգային Ուսումնարանի դրութեան վերայ, և առանց յապաղելոյ ձեռնարկելով նորոգ Հոգաբարձութեան ընտրութեան, առաջարկած էր ի հաստատութիւն առ Վ.Ե.Ը. Հայրապետ. զոր և Վ.Ե.Ը. Հայրապետ Օրհնութեան Անդակաւ հաստատելով՝ յորդորած և խրախուսած էր ստանձնած պաշտօնները արթնութեամբ կատարել և արդիւնաւորել:

Արդ կփութամք աւետել, զի նորընտիր Հոգաբարձութիւնն ևս Գեր. Առաջնորդի հետ ի միասին՝ համամտութեամբ և փոխադարձ աջակցութեամբք ոգևորեալ նախ և յառաջ Ուսումնարանի նիւթական ապահովութիւնը լրացնելոյ սկսած և յաջողած են բաւական մեծ գումար հաւաքել, ինչպէս առ Վ.Ե.Ը. Հայրապետ մեր յայտարարած է Անդրէաս Արքեպիսկոպոսն, յորմէ արժան կը համարիմք

կարևոր պարբերութիւնը աստանօր քա-  
ղել և հաղորդել ի զիտութիւն և յու-  
րախօսութիւն սիրելի Ազգայնոց մերոց:

«Անոր քան զստի ակնկալութեան իմոյ շարժեցան  
ազգայինք քաղաքիս ի նախանձ բարի, յորժամ Հո-  
ղարարձուքն քաջախեղութեամբք ի խրատութեան  
բանից գծադրելոց ի Կոնգակի Վեհափառութեանդ,  
նախ ինքեանք նշանակեալ ի ժապուհինեալ մատենին  
վաւերացելոյ յինէն զնուիրադրամս իւրեանց, ապա  
նրախիւցցին ի նոյն զականաւորսն ի ժողովրդականաց,  
որք ամենայն սիրով նուիրեցին զինչ ինչ քանակու-  
թիւն դրամոց յօգուտ ուսումնարանին, որով հանգա-  
նակեցան աւելի քան 43000 թուման սարսից» (Թու-  
մանն արժէ 2 բուրլի 83 կապէկ արժամ Ռուսիոյ):  
Որպէս երեւի ի ցուցակէ նուիրատուաց, զոր ամե-  
նախոնարհօրաբար առաջի առնեմ ընդ այսմ Սրբոյ Օ-  
ծութեանդ, մասնակից եղին այսմ ընծայաբերութեան  
Բարձրապատիւ Հիւարատուն Ծամսեան Տէրութեան  
Պէ՛հճէ՛թ Էֆէնտի եւ Խրիտոնիդի վաճառականական  
ընկերութիւն Յունաց: Նուիրատուութիւնքն զեռ եւս  
ունին շարունակիլ եւ մեծադոյն մասն ի նուիրադրա-  
մոց արդէն իսկ յանձնեալ է Հոգաբարձութեան Գըպ-  
րոցին եւ եղեալ առ ապահով անձինս ի շահաբերու-  
թիւն 32 առ 400 մինչ ցղնել հաստատուն կալուածս  
յանուն ուսումնարանին: Նկատելով զայս օրինակ  
յաջողութիւն մերոյ ձեռնարկութեան կարելի է յուսալ  
ընդ ապահովութիւն վարժարանին ըստ նիւթական  
կարողութեան եւ հետեւաբար ընդ յառաջադիմութիւն  
մերազնեալ մանկտեաց քաղաքիս յետ ժամանակաց»:

Ուստի Երարատն իւր խորին շնորհա-  
կարութիւնքը յայտնելով առ Գ.Եր. Ընդդէաս Արքեպիսկոպոս, առ նորընտիր  
անդամս Հոգաբարձութեան, առ նուի-  
րատուս ի նպաստ յիշեալ ուսումնարանի  
և առ Հայկազն ժողովուրդն, կբաղձայ օր՝  
այսպիսի սիրով և փութով յարատեւե-  
լով՝ փոխադարձ աջակցութեամբք ընդ  
փոյթ յաջողին ուսումնարանի ուսումնա-  
կան մասին արդիւնաւորութիւնը ևս ա-  
պահովել և մշանջնաւորել՝ ինչպէս որ

Հայաստանեայց Ազգի և Եկեղեցւոյ օ-  
գուտ, պայծառութիւն և յառաջադէմ  
փառաւորութիւնն կպահանջէ, միանգա-  
մայն Վ.Ե.Հ. Հայրապետն ակնկալու թիւն-  
քը և իղձերը կպսակին:

Նաև զիւղերը առանձին և խորին ու-  
շադրութեան առնլով՝ ըստ ներելոյ մի-  
ջոցացն Գ.Եր. Ընդդէաս Արքեպիսկոպոս  
անշո՛ւշտ կյաջողի վիճակին ընդհանուր  
մտաւոր և բարոյական զարգացման և յա-  
ռաջադիմութեան համար՝ արդէն հիմ-  
նուած դպրոցները բարեկարգելոյ և ար-  
դիւնաւորելոյ և իկարևոր տեղիս նոցա  
թիւր բազմապատկելոյ անխոնջ ջանիւք  
և արդիւնատու կարգադրութեամբք:

Վարևոր կդատիմք աստէն յարել նու-  
ւիրատուաց անուանքը ընդ քանակու-  
թեան նուիրանացն:

Ահաւասիկ:

ՅՈՒՅԱԿ ՆՈՒԻՐԱՏՈՒԱՅ Ի ՆՊԱՍՏ ԱԶԳԱՅԻՆ ՈՒՍՈՒՄՆԱՐԱՆԻՆ ԳԱՎՐԻՅՈՅ	
	Ըստ ման
Անդրէաս Արքեպիսկոպոս . . . . .	30
Բէ՛հճէ՛թ Էֆէնտի . . . . .	400
Խրիտոնիդի վաճառական Ընկերութիւն Յունաց . . . . .	230
Փաշախան Սարթիի Պարսիկ . . . . .	60
Ծատուր Խան Սէթ - Խանեան . . . . .	50
Արզուման Նազար Բէկեանց վաճառակոմսակետ . . . . .	200
Աստուածատուր Առաքելեանց . . . . .	200
Մստուածատուր Ղարաբէկեան . . . . .	430
Որբահամ Կ. Վարդանեանց . . . . .	230
Յարութիւն Թումանեանց . . . . .	200
Յովակիմ Ֆէնէրճեանց . . . . .	200
Յարութիւն Նազարբէկեանց . . . . .	430
Սարգիս Տէր Յանեանց . . . . .	100
Գասպար Շահնազարեան . . . . .	400
Յակովբ Զ. Խուտավերտեանց . . . . .	400
Ահարօն Զարկարեանց . . . . .	430

Մկրտում Առաքելեան . . . . .	55
Վարդան Շիրմազանեանց . . . . .	10
Ալէքսան Տէր Յակովբեանց . . . . .	100
Ղազար Մելիք Բարաշանեանց . . . . .	7
Մահտեսի Ալէքսան Մահտեսի Պետրոսեան . . . . .	10
Ասրի Մ. Պետրոսեանց . . . . .	150
Մարգար Նազար Բէկեանց . . . . .	10
Ալէքսան Սարգսեան Բժշկեանց . . . . .	13
Յարութիւն Հայրապետեան . . . . .	10
Դանիէլ Գրիգորեան . . . . .	7
Զարարիա Իսահակեան . . . . .	4
Ղունկիանոս Գալստեան . . . . .	5
Նիկողայոս Մելիք Բարաշանեան . . . . .	10
Համարձում Տէր Յովսէփեան . . . . .	50
Սարգիս Մովսէսեան . . . . .	20
Յարութիւն Գորոյեանց . . . . .	5
Յակոբ ձանիեանց . . . . .	50
Կարապետ Յակովբեան . . . . .	2
Գալուստ Նիկողայոսեան . . . . .	2
Թովմաս Ա. Մահտեսի Անանեանց . . . . .	20
Գումարն . . . . . 2792	

« ՈՐ ՈՒՆԻՏԵ ԱԿԱՆՁՍ ԼՍԵԼՈՅ՝ ԼՈՒԻՑԷ »

**Պ. Ահայորդի՛ :**

Մշակ լրագրի 33 թուոյն մէջ կարդալով ձեր տխուր զիտողութիւնները Լջմիածնայ նորակառոյց Ղեմարանի բացման ու Ծրագրի մասին՝ իրաւն ասեմ ես ևս տխրեցայ. բայց չկարծես թէ այն զիտողութեանց ճշմարտութեանը համար, ոչ հապա անհնարին ցաւ տուաւ սրտիս այն՝ որ քո խորհրդածութիւնները կծու երգիծաբանութեամբ զիզուն ու ահաղձուն լինելով՝ օտարազգւոյ համար նոյն իսկ չէին ներելի, թող թէ Հայու մը համար, մանաւանդ Ակայորդի անուամբ կնքուած Հայու մը. . . .

Ձեր այդ սկայական կամ որ նոյն է հսկայական յարձակման թզուկի մը ըրած աննշան շարժումէն կամ խլրտումէն անզօր եղածը ձեզ հասկացնելու համար, նա մանաւանդ աչքիդ առջև պատկերացնելու համար հոգւոյդ անբարեխնդրութիւնն ու կրից սաստկութիւնը, զոր բնականապէս թշնամական կիրքով լեցուած մարդը ինքնին չտեսներ, գրիչս առի ըրած խորհրդածութիւններդ քննելու, թէ և ահնոք աւելի արհամարհանաց արժանի էին քան եթէ քննութեան: Մէկ զլեաւոր պատճառն ալ այն է՝ որ մեր միամիտ ազգայնոց ցոյց տամ թէ իրենց որդւոց համար վեցամեայ աշխատանքով պատրաստուած հոգւօր կերակրոյն (իմա Ղեմարանին) մէջ սիրտ խառնող սկայական ձանձ մի ընկած է, որպէս զի տակաւին չբացուած Ղեմարանին վերայ բզզող ու տզզող ձանձերէն զգուշանան:

Եւ, զգուշանան մեր խեղճ ազգայինք զորս վարձուած գրիչներ կամ անգործ թուղթ մրողներ, «Մզգին աչքը կբանամ ասելով՝ կառաջնորդեն ի մոլորութիւն մտաց և յանտարբերութիւն, գործունեայ անձանց վերայ կուզին յուսահատութիւն բերել, մինչդեռ ոչ եթէ Ղեմարանի մը կառուցումը, այլ նոյն իսկ փոքրիկ զիւղական դպրոցի մը, որ և իցէ ազգաշահ ձեռնարկի մը սկզբնաւորութիւնը, հարկ էր նոցա խրախուսել փոխանակ մտացածին թերութեանցը վերայ ծուռումուռ խորհրդածութիւններ զգայուելու:

Եւ նախ՝ շատ անտեղի է առաջին զարմանքդ, զոր ունեցած ես պատուելի Ղեմարանի (մարդ կարծեցիր Ղեմարանը) Ծրագրին Պօլիս տպուելուն վերայ և ու